



2013-2014


# Confirmé

Document étudié n°1

Lecture de documents anciens

(1535 n. st.) - Chambre des comptes de Dijon

Mandement du Parlement de Bourgogne à son receveur, pour le remboursement des sommes avancées par Philibert Berbis, conseiller, pour les achats de vin et de sucreries destinées à la buvette de la Cour en décembre 1534 et janvier 1535.



1. Les gens tenans la court du parlement de Bourgogne a maistre Claude du Champ, recepveur
2. de ladicte court, salut. Nous vous mandons que des deniers provenans de vostre recepte, payez, baillez et delivrez a maistre Philibert
3. Berbis, conseiller en icelle, la somme de quarante huit livres quinze solz tournois a luy dehue et tauxée par les sindicques
4. de ladite court : assavoir vingt livres tournois pour quatre fillettes de vin blanc, dix livres pour deux fillettes de
5. vin clairret, le tout desd. vins par luy fourniz pour les buvettes de lad. court depuis le premier jour de decembre

Archives départementales de la Côte-d'Or  
www.archives.cotedor.fr



Archives départementales de la Côte-d'Or, B 12167



2013-2014

# Confirmé

Document étudié n°1

6. dernier passé, jusques au dernier jour de janvier, que sont deux mois entiers. Item la somme de dix livres tournois
7. pour le biscuyt et pain fourny pendant led. temps. Item sept livres dix solz tournois pour le fruict, sucre, dragée
8. et aultres choses fournies pour lesd. buvettes, et vingt cinq solz tournois pour les peines de celuy qui les appourtoit
9. chascun jour, le tout desd. sommes taxées par lesd. sendicques et revenans par ensemble a lad. somme de quarante
10. huit livres, quinze solz tournois pour led. temps de deux mois, dont a esté ordonné le present acquest pour ce que dez le
11. premier jour du present mois, par ordonnance et deliberacion de lad. court, Maistre Pierre Belrient, conseiller en icelle,
12. a comancé a fournyr icelles buvettes, come estant a son tour de ce faire. Et en rappourtant cestes et quittance
13. sur ce suffisante dud. Berbis de lad. somme de quarante huit livres quinze solz, icelle somme vous sera passée
14. et alouhée en la despence de voz comptes et rabattue des deniers que rendrez de vostred. recepte par les auditeurs
15. d'iceux. Et sans y, etc. ; faire, etc. difficulté. Donné aud. Dijon le quatrieme jour de fevrier
16. l'an mil cinq cens trente quatre.
17. Par la cour
18. P. Fournier

[En bas à gauche : ]

1. Je confesse avoir receu de Maistre Claude du
2. Champpt, receveur de la court de Parlement de Bourgongne
3. la somme de quarante huict livres quinze soubz
4. tournois pour les causes contenues au mandemant
5. cy dessus escript. Faict le sixiesme jour de
6. fevrier l'an mil cinq cens trente et quatre.

[Signé : ] Berbis